




1 REPUBLIKA E SHQIPËRISË
MINISTRIA E FINANCAVE DHE EKONOMISË
DREJTORIA E PËRGJITHSHME E DOGANAVE
DEGA E DOGANËS SHKODËR



Nr. 222/
17 Prot.

Shkodër, më 26/01/2023

LËNDA: Kërkesë për shpallje publike

DREJTORIA E PËRGJITHSHME E DOGANAVE
DEPARTAMENTI I ANALIZAVE DHE APOSTERIORIT
SEKTORI I MONITORIMIT TË BORXHIT

DREJTORIA E BURIMEVE MBËSHTETËSE ✓

Adresa: Tiranë, Kashar Mëzez, Lagjia Fushë Mëzez, autostrada Tiranë-Durrës, km 1,
Qendra "Pajtoni Bussines Center", kati 5.

Bazuar në nenin 96 të Ligjit Nr. 102/2014, datë 31.7.2014 "Kodi Doganor Republikës së Shqipërisë", i ndryshuar dhe pikës 4 të nenit 162 të Ligjit Nr. 44/2015, datë 30.04.2015 "Kodit të Procedurës Administrative i Republikës së Shqipërisë", 4. "...organi publik publikon aktin në faqen e tij të internetit dhe ..." kërkojmë shpalljen publike për;


- **Vendimin e Gjykatës Administrative Shkalla e Parë Shkodër Nr. 61 (239) datë 11.03.2022, për debitorin, z.Dorald Besnik Balla, i datëlindjes 14.10.1991, me numër personal identifikimi J11014032E, me adresë: Rruga "Dëshmorët e Helikopterëve", Nd.47, H.1, Farkë e Madhe, Njësia Administrative Farkë, Tiranë.**

Ju falenderojmë për bashkëpunimin.

KRYETAR

Aida DIJDARI





Junista

15.04.2022

REPUBLIKA E SHQIPËRISE
GJYKATA ADMINISTRATIVE E SHKALLËS SË PARË
SHKODËR

Nr. 61 (31134-00064-83-2022) Regjistri Themeltar
Datë 24.01.2022 (Depozitimi)
Datë 25.01.2022 Regjistrimi (Shorti)

Nr. i vendimit: 61 (239)
Data e vendimit: 11.03.2022

V E N D I M
“NË EMËR TË REPUBLIKËS”

Gjykata Administrative e Shkallës së Parë Shkodër, e përbërë nga:

Gjyqtar: Mirjan MUSTAJAJ

sot në Shkodër, më datë 11.03.2022 shqyrtoi në dhomë këshillimi çështjen gjyqësore Nr.61 (31134-00064-83-2022) Regjistri Themeltar, që i përket:

KËRKUES: Dega e Doganës Shkodër, me adresë: Lagjia “Dobraç”, Shkodër.

OBJEKTI: Lëshim Urdhër Ekzekutimi për vendimin Nr.744/11 Prot, datë 03.11.2021 “Për rikuperimin me forcë të borxhit doganor ndaj shtetasit z.Donald Besnik Balla, i datëlindjes 14.10.1991, me numër personal identifikimi J11014032E”, me adresë: Rruga “Dëshmorët e Helikopterëve”, Nd.47, H.1, Farkë e Madhe, Njësia Administrative Farkë, Tiranë.

BAZA LIGJORE: Neni 280 Ligjit nr.102/2014, datë 31.07.2014 “Kodi Doganor i Republikës së Shqipërisë”, i ndryshuar, dhe neni 511 e në vijim të Kodit të Procedurës Civile, i ndryshuar.

Në përfundim të shqyrtimit të kërkesës dhe akteve që i bashkëngjiten asaj, gjykata, pasi mori në shqyrtim pretendimet me shkrim të kërkuarit, i cili kërkon pranimin e kërkesës, si dhe analizoi çështjen në tërësi,

VËREN:

Pranë Gjykatës Administrative të Shkallës së Parë Shkodër, është depozituar prej palës kërkuare, kërkesa për lëshimin e urdhrimit të ekzekutimit, lidhur me vendimin Nr.744/11 Prot, datë 03.11.2021 “Për rikuperimin me forcë të borxhit doganor ndaj shtetasit z.Donald Besnik Balla, me numër personal identifikimi J11014032E”, në vlerën 1,214,469 (një milion e dyqind e katërbëdhjetë mijë e katërqind e gjashtëdhjetë e nëntë) Lekë, të nxjerrë nga Dega e Doganës



Shkodër, si dhe përjashtimi i kërkuesit nga tarifatat gjyqësore konform nenit 43 të Ligjit nr.10279, datë 20.05.2010 “Për kundërvajtjet administrative”.

I. Rrethanat e faktit.

Referuar akteve shkresore të administruara në dosjen gjyqësore, rezulton që nga ana e Autoritetit Vendimarrës të Degës Doganës Shkodër, është marrë Vendimi Nr.93, datë 23.09.2021, me anë të të cilit është shpallur debitor shtetasi Dorald Balla, me numër personal identifikimi J11014032E, në shumën 1,214,469 (një milion e dyqind e katërbëdhjetë mijë e katërqind e gjashtëdhjetë e nëntë) Lekë. Ky vendim i është dërguar për njoftim subjektit debitor me anë të shërbimit postar. Referuar njoftimit postar lajmërim-marrje Nr.744/9, me kod RR651203026AA, rezulton se subjekti debitor ka marrë dijeni në lidhje me vendimin Nr.93, datë 23.09.2021 me datë 28.09.2021.

Duke mos qenë dakord me vendimin e sipërcituar, shtetasi Dorald Balla ka ushtruar ankim administrativ pranë Drejtorisë së Përgjithshme të Doganave ndaj vendimit Nr.93, datë 23.09.2021 të Degës Doganës Shkodër. Drejtori i Përgjithshëm i Doganave me vendimin Nr.18741/2 datë 16.11.2021 ka vendosur: *“Mospranimin e ankimit/ Nr.1874 Prot., datë 21.10.2021 të shtetasit z.Dorald Besnik Balla, me numër personal identifikimi J11014032E, kundër Vendimit Nr.93, datë 23.09.2021 të Degës Doganës Shkodër. Ky ankim konsiderohet sikur nuk është bërë.”*

Me argumentin se ka kaluar afati i ankimit dhe i ekzekutimit vullnetar, dhe debitori nuk ka likuiduar borxhin doganor, Dega e Doganës Shkodër ka nxjerrë Vendimin Nr.744/11 Prot, datë 03.11.2021 “Për rikuperimin me forcë të borxhit doganor ndaj shtetasit Dorald Balla, me numër personal identifikimi J11014032E”, me adresë: Rruga “Dëshmorët e Helikopterëve”, Nd.47, H.1, Farkë e Madhe, Njësia Administrative Farkë, Tiranë, me anë të cilit është vendosur: *“1. Të sekuestrohen vlerat monetare, kreditë, sendet me vlerë të çmuar, valutë të huaj të depozituara në bankë, që i përkasin debitorit Z.Dorald Besnik Balla, me numër personal identifikimi J11014032E, personave të tretë apo garantuesve që kanë detyrime ndaj debitorit. 2. Të sekuestrohen mallrat, pasuritë e tundshme dhe të patundshme që i përkasin debitorit, personave të tretë apo garantuesve që kanë detyrime ndaj debitorit. 3. Sekuestrimi i mësipërm të kryhet deri në masën që të bëhet e mundur plotësimi i detyrimeve të mësipërme të përcaktuara në vendimin Nr.93, datë 23.09.2021, të Degës së Doganës Shkodër, si dhe të kamatëvonesave të lindura në bazë të nenit 245 pika 1/b të Kodit Doganor deri në ditën e likuidimit të borxhit doganor.”* Ky vendim i është dërguar për njoftim debitorit me anë të shërbimit postar, në adresën: Rruga “Dëshmorët e Helikopterëve”, Nd.47, H.1, Farkë e Madhe, Njësia Administrative Farkë, Tiranë. Referuar njoftimit postar lajmërim-marrje Nr.744/11, me kod RR654557014AA, rezulton që subjekti debitor ka marrë dijeni më datë 05.11.2021 lidhur me vendimin e sipërcituar.

Me shkresën Nr.13 Prot, datë 06.01.2022, Dega e Doganës Shkodër ka kërkuar informacion nga Drejtoria e Përgjithshme e Doganave, lidhur me datën e marrjes dijeni të



shtetasit Dorald Balla për vendimin Nr.18741/2 datë 16.11.2021 të Drejtorit të Përgjithshëm të Doganave. Me shkresën Nr.343/1 Prot, datë 18.01.2022, Drejtoria e Përgjithshme e Doganave ka konfirmuar që shtetasi Dorald Balla ka marrë djeni më datë 16.11.2021 lidhur me vendimin Nr.18741/2 datë 16.11.2021.

Referuar shkresës “Informacion mbi çështjen” të Kancelarit të Gjykatës Administrative të Shkallës së Parë Shkodër, dhe informacionit të përcjellë nga Kancelari i Gjykatës Administrative të Shkallës së Parë Shkodër, me shkresën “Mbi çështjet e depozituara nga data 24 Janar 2022” datë 25.01.2022, rezulton që shtetasi Dorald Balla ka paraqitur kërkesëpadi me objekt kundërshtimin e aktit objekt kërkesë. Ndërkohë që sipas vendimit të datës 17.11.2021 të Gjykatës Administrative të Shkallës së Parë Shkodër, rezulton që në lidhje me kërkesën e palës paditëse, për sigurimin e padisë nëpërmjet pezullimit të ekzekutimit të akteve administrative, Gjykata ka vendosur refuzimin e kërkesës për sigurimin e padisë.

Sa më sipër, pranë Gjykatës Administrative të Shkallës së Parë Shkodër, është depozituar prej palës kërkuese, kërkesa për lëshimin e urdhrit të ekzekutimit, lidhur me vendimin Nr.744/11 Prot, datë 03.11.2021 “Për rikuperimin me forcë të borxhit doganor ndaj shtetasit Dorald Balla, me numër personal identifikimi J11014032F”, në vlerën 1,214,469 (një milion e dyqind e katërbëdhjetë mijë e katërqind e gjashtëdhjetë e nëntë) Lekë, të nxjerrë nga Dega e Doganës Shkodër, si dhe përjashtimi i kërkuetit nga tarifatat gjyqësore konform nenit 43 të Ligjit nr.10279, datë 20.05.2010 “Për kundërvajtjet administrative”.

II. Ligji i zbatueshëm.

Neni 510 i Kodit të Procedurës Civile, ku ndër të tjera sanksionohet: “*Ekzekutimi i detyrueshëm mund të bëhet vetëm në bazë të një titulli ekzekutiv. Janë tituj ekzekutivë: ... e) aktet e tjera që sipas ligjeve të veçanta quhen tituj ekzekutivë dhe ngarkohet zyra e përbarimit për ekzekutimin e tyre.*”

Neni 511 i Kodit të Procedurës Civile, ku ndër të tjera sanksionohet: “[...] *Shqyrtimi i kërkesës për lëshimin e urdhrit të ekzekutimit zhvillohet nga gjyqtari pa praninë e palëve. [...]*”.

Neni 104 i Kodit të Procedurave Administrative, i titulluar “*Fillimi dhe përfundimi i pasojave juridike të aktit administrativ*”, ku sanksionohet: “1. *Një akt administrativ fillon të sjellë pasoja juridike ndaj palës së cilës i drejtohet apo interesat e së cilës preken nga akti, me njoftimin e përmbajtjes së aktit palëve. 2. Akti administrativ i miratuar në heshtje fillon të sjellë pasoja juridike, në ditën e përfundimit të afatit për njoftimin e tij, sipas nenit 97 të këtij Kodi. 3. Një akt administrativ mund të fillojë të sjellë pasoja juridike në një datë tjetër, të caktuar shprehimisht nga vetë akti, por në asnjë rast përpara njoftimit të palës, sipas pikës 1 të këtij neni. Në këtë rast, data e fillimit të pasojave juridike caktohet shprehimisht në pjesën e dispozitivit të aktit administrativ të shkruar. [...]*”.



Neni 164 i Kodit të Procedurave Administrative, i titulluar “**Akti i ekzekutueshëm**”, ku sanksionohet: “1. Akti administrativ mund të ekzekutohet vetëm pasi ka hyrë në fuqi. 2. Akti administrativ fillon të ekzekutohet: a) pas përfundimit të afatit të ankimit administrativ, nëse nuk është bërë ankim; b) pas njoftimit të aktit administrativ, në qoftë se ankimi administrativ nuk lejohet; c) pas njoftimit të aktit administrativ, në qoftë se, sipas ligjit, ankimi administrativ nuk ka efekt pezullues; ç) pas njoftimit të vendimit për heqjen e efektit pezullues të ankimit, në përputhje me nenin 133 të këtij Kodi; d) pas njoftimit të vendimit që zgjidh ankimin, nëse ky i fundit e ka refuzuar apo nuk e ka pranuar apelin. 3. Vendimi organit publik, i cili ndryshon aktin e ankimuar, bëhet i ekzekutueshëm pasi i njoftohet palës.”.

Neni 280 i Ligjit nr.102/2014, datë 31.07.2014 “Kodi Doganor i Republikës së Shqipërisë”, ku ndër të tjera sanksionohet: “[...] 4. **Vendimet e marra nga administrata doganore për zbatimin e masave garantuese dhe/ose për rikuperimin me forcë të borxhit bëhen tituj ekzekutivë menjëherë sapo ato i njoftohen debitorit.** 5. Ekzekutimi i titujve ekzekutivë të nxjerrë nga administrata doganore, të mbështetur me urdhrin e ekzekutimit të nxjerrë nga autoritetet gjyqësore kompetente, bëhet menjëherë në bazë të dispozitave të parashikuara nga nenet 511 e në vazhdim të Kodit të Procedurës Civile. Ekzekutimi mund të bëhet edhe nga strukturat e mbledhjes me forcë të detyrimit pranë administratës doganore. [...]”.

Neni 281 i Ligjit nr.102/2014, datë 31.07.2014 “Kodi Doganor i Republikës së Shqipërisë”, ku ndër të tjera sanksionohet: “1. Çdo person ka të drejtë të ankohet kundër çdo vendimi të marrë nga autoritetet doganore, në lidhje me një borxh dhe/ose vendosjen e sanksioneve në lidhje me zbatimin e këtij Kodi. 2. **E drejta e ankimit mund të ushtrohet fillimisht pranë Drejtorit të Përgjithshëm të Doganave e, më pas, përpara autoriteteve gjyqësore, sipas dispozitave në fuqi.**”.

Neni 283 i Ligjit nr.102/2014, datë 31.07.2014 “Kodi Doganor i Republikës së Shqipërisë”, ku ndër të tjera sanksionohet: “**Ankimi ndaj vendimit të autoriteteve doganore kompetente për vendosjen e sanksioneve nuk shkakton pezullimin e zbatimit të vendimit në konflikt.**”.

III. Vlerësimi i Gjykatës.


Gjykata paraprakisht vlerëson të theksoj që, në kushtet kur akti që pretendohet nga kërkuesi se përbën titull ekzekutiv, është akt administrativ i nxjerrë nga një organ publik në ushtrim të funksioneve publike, kërkesa për lëshimin e urdhrin të ekzekutimit është në kompetencën lëndore të gjykatës administrative. Gjykata administrative, duke qenë gjykatë kompetente nga ana lëndore për shqyrtimin e mosmarrëveshjeve që derivojnë nga një akt administrativ, është po ashtu, kompetente për shqyrtimin e kërkesave të natyrës procedurale lidhur me këtë akt, sikurse është kërkesa për lëshimin e urdhrin të ekzekutimit. Në këtë kuadër, duke qenë se akti administrativ, Vendim Nr.744/11 Prot, datë 03.11.2021 “Për rikuperimin me forcë të borxhit doganor ndaj shtetasit Dorald Balla, me numër personal identifikimi J11014032E”, është nxjerrë nga Dega e Doganës Shkodër, bazuar në nenin 7, 8, 10, 11 dhe 13 të Ligjit nr.49/2012 “Për

gjykatat administrative dhe gjykimin e mosmarrëveshjeve administrative”, Gjykata konkludon që, kërkesa objekt gjykimi, i përket juridiksionit gjyqësor administrativ dhe është në kompetencën lëndore, funksionale dhe territoriale të Gjykatës Administrative të Shkallës së Parë Shkodër. Po ashtu, Gjykata vlerëson se, nuk ekzistojnë parakushte të tjera procedurale që të pengojnë shqyrtimin meritore të kërkesës. Për rrjedhojë, Gjykata do të analizojë në vijim nëse plotësohen kushtet ligjore për lëshimin e urdhrimit të ekzekutimit duke vlerësuar bazueshmërinë në themel të kërkesës objekt gjykimi.

Gjykata çmon të rëndësishme të theksojë që, në kuptim të nenit 510/e të Kodit të Procedurës Civile dhe, nenit 280/4 të Kodit Doganor të Republikës së Shqipërisë, vendimi për rikuperimin me forcë të borxhit doganor përbën titull ekzekutiv që në momentin që i njoftohet debitorit. Në këto kushte, që Gjykata të konkludojë lidhur me kërkesën për lëshimin e urdhrimit të ekzekutimit, duhet fillimisht të analizojë nëse akti administrativ, Vendim Nr.744/11 Prot, datë 03.11.2021 “Për rikuperimin me forcë të borxhit doganor ndaj shtetasit Dorald Balla, me numër personal identifikimi J11014032E”, i është njoftuar debitorit konform kërkesave ligjore.

Në nenin 280/4 të Kodit Doganor të Republikës së Shqipërisë, parashikohet: “*Vendimet e marra nga administrata doganore për zbatimin e masave garantuese dhe/ose për rikuperimin me forcë të borxhit bëhen tituj ekzekutivë menjëherë sapo ato i njoftohen debitorit.*”. Nga interpretimi *a contrario* i dispozitës rezulton që, nëse vendimi për rikuperimin me forcë të borxhit doganor, nuk i është njoftuar debitorit që i kundrejtohet, atëherë jemi në kushtet që ky vendim nuk përbën titull ekzekutiv të vlefshëm për lëshimin e urdhrimit të ekzekutimit. Një parashikim i tillë në Kodin Doganor është në harmoni me nenin 104/1 të Kodit të Procedurave Administrative, i cili, hyrjen në fuqi të aktit administrativ e lidh me njoftimin e këtij akti subjektiv që i kundrejtohet, dhe nenin 164/1 të këtij Kodi, që përcakton se akti administrativ mund të ekzekutohet vetëm pasi ka hyrë në fuqi.

Nga provat e administruara në dosjen gjyqësore rezulton se, Vendimi Nr.93, datë 23.09.2021, me anë të të cilit është shpallur debitor shtetasit Dorald Balla, me numër personal identifikimi J11014032E, në shumën 1,214,469 (një milion e dyqind e katërmbydhjetë mijë e katërqind e gjashtëdhjetë e nëntë) Lekë, i është njoftuar subjektiv kundërvajtës nëpërmjet shërbimit postar, në adresën: Rruga “Dëshmorët e Helikopterëve”, Nd.47, H.1, Farkë e Madhe, Njësia Administrative Farkë, Tiranë. Referuar njoftimit postar lajmërim-marrje Nr.744/9, me kod RR651203026AA, rezulton se subjekti debitor ka marrë dijeni në lidhje me vendimin Nr.93, datë 23.09.2021 me datë 28.09.2021. Duke mos qenë dakord me vendimin e sipërcituar, shtetasi Dorald Balla ka ushtruar ankim administrativ pranë Drejtorisë së Përgjithshme të Doganave ndaj vendimit Nr.93, datë 23.09.2021 të Degës Doganës Shkodër. Drejtori i Përgjithshëm i Doganave me vendimin Nr.18741/2 datë 16.11.2021 ka vendosur: “*Mospranimin e ankimit Nr.1874 Prot., datë 21.10.2021 të shtetasit z.Dorald Besnik Balla, me numër personal identifikimi J11014032E, kundër Vendimit Nr.93, datë 23.09.2021 të Degës Doganës Shkodër. Ky ankim konsiderohet sikur nuk është bërë.*”.



Në vijim të sa më sipër, Vendimi Nr.744/11 Prot, datë 03.11.2021 “Për rikuperimin me forcë të borxhit doganor ndaj shtetasit Dorald Balla, me numër personal identifikimi J11014032E”, i është dërguar për njoftim debitorit me anë të shërbimit postar, në adresën: Rruga “Dëshmorët e Helikopterëve”, Nd.47, H.1, Farkë e Madhe, Njësia Administrative Farkë, Tiranë. Referuar njoftimit postar lajmërim-marrje Nr.744/11, me kod RR654557014AA, rezulton që subjekti debitor ka marrë dijeni më datë 05.11.2021 lidhur me vendimin e sipërcituar.

Sa më lart, rezulton se njoftimi i Vendimit Nr.744/11 Prot, datë 03.11.2021 “Për rikuperimin me forcë të borxhit doganor ndaj shtetasit Dorald Balla, me numër personal identifikimi J11014032E”, me anë të shërbimit postar me “lajmërim marrje”, ka qenë efektiv, pasi subjekti debitor rezulton të ketë marrë dijeni në lidhje me këtë vendim. Në këto kushte, ky akt administrativ përbën titull ekzekutiv në kuptim të nenit 280/4 të Kodit Doganor.

Nga provat e administruara në dosjen gjyqësore rezulton që, ankimi administrativ ndaj vendimit Nr.93, datë 23.09.2021 të Degës Doganës Shkodër, është refuzuar nga Drejtori i Përgjithshëm i Doganave. Ndërkohë sipas vendimit të datës 17.11.2021 të Gjykatës Administrative të Shkallës së Parë Shkodër, rezulton që në lidhje me kërkesën e palës paditëse, për sigurimin e padisë nëpërmjet pezullimit të ekzekutimit të akteve administrative, Gjykata ka vendosur refuzimin e kërkesës për sigurimin e padisë. Në këto kushte, Gjykata çmon të rëndësishme të theksojë se, pavarësisht që subjekti Dorald Balla i është drejtuar me padi gjykatës, duke kundërshtuar aktin administrativ objekt kërkesë, për sa kohë nuk provohet të jetë pezulluar ekzekutimi i këtij akti me anë të një vendimi gjyqësor për sigurimin e padisë, ekzekutimi i Vendimit Nr.744/11 Prot, datë 03.11.2021 “Për rikuperimin me forcë të borxhit doganor ndaj shtetasit Dorald Balla, me numër personal identifikimi J11014032E”, nuk mund të pezullohet për shkak të ankimit gjyqësor dhe ky vendim përbën titull ekzekutiv.

Në nenin 280/4 të Kodit Doganor të Republikës së Shqipërisë, sanksionohet se: “4. Vendimet e marra nga administrata doganore për zbatimin e masave garantuese dhe/ose për rikuperimin me forcë të borxhit bëhen tituj ekzekutivë menjëherë sapo ato i njoftohen debitorit.”. Ndërsa në nenin 283 të këtij Kodi parashikohet se: “Ankimi ndaj vendimit të autoriteteve doganore kompetente për vendosjen e sanksioneve nuk shkakton pezullimin e zbatimit të vendimit në konflikt”. Në kuptim të dispozitave të lartëcituara rezulton që vendimi për rikuperimin me forcë të borxhit doganor konstituohet titull ekzekutiv menjëherë sapo i njoftohet debitorit, dhe kundërshtimi i tij gjyqësor, sikurse në rastin konkret, nuk pezullon ekzekutimin e vendimit. Në këto kushte, Vendimi Nr.744/11 Prot, datë 03.11.2021, përbën titull ekzekutiv në kuptim të nenit 280/4 të Kodit Doganor.

Duke qenë që Gjykata arriti në përfundimin që plotësohen kushtet e vlefshmërisë së titullit ekzekutiv, për lëshimin e urdhrit të ekzekutimit lidhur me Vendimin Nr.744/11 Prot datë 03.11.2021, dhe nuk rezulton që detyrimi që ky akt përcakton, të jetë përmbushur në rrugë vullnetare, kërkesa për lëshimin e urdhrit të ekzekutimit, gjendet e drejtë dhe e bazuar nga gjykata dhe duhet të pranohet.



Lidhur me shpenzimet gjyqësore: duke qenë se sipas nenit 43 të Ligjit nr.10279, datë 20.05.2010 "Për kundërvajtjet administrative" parashikohet se për vënien në ekzekutim të vendimeve për kundërvajtjet administrative, organet e administratës shtetërore përjashtohen nga detyrimi për parapagimin e tarifave gjyqësore dhe për veprimet e shërbimit, që kryhen nga administrata gjyqësore dhe përmbaruesi gjyqësor, Gjykata çmon se pala kërkuese, Dega e Doganës Shkodër nuk ka detyrim për pagimin e tarifës së paraqitjes së kërkesës për gjykim sipas nenit 106 të Kodit të Procedurës Civile, ndaj shpenzime operative nuk ka.

PËR KËTO ARSYE,

Gjykata, bazuar në nenet 510, 511 të Kodit të Procedurës Civile, nenet 280, pikat 4 dhe 5 të Kodit Doganor si dhe, nenet 148 – 162 të Kodit të Procedurave Administrative,

VENDOSI:

1. Pranimin e kërkesës së palës kërkuese, Dega e Doganës Shkodër;
2. Lëshimin e urdhërit të ekzekutimit për vendimin Nr.744/11 Prot, datë 03.11.2021 "Për rikuperimin me forcë të borxhit doganor ndaj debitorit Dorald Balla, me këto të dhëna:
 - a) Kreditori: Dega e Doganës Shkodër.
 - b) Debitori: shtetasi Dorald Besnik Balla, i datëlindjes 14.10.1991, me Nr.Personal J11014032E, me adresë: Rruga "Dëshmorët e Helikopterëve", Nr.47, H.1, Farkë e Madhe, Njësia Administrative Farkë, Tiranë.
 - c) Shuma e detyrimit: 1,214,469 (një milion e dyqind e katërmëdhjetë mijë e katërqind e gjashtëdhjetë e nëntë) Lekë.
3. Ky urdhër lëshohet në një kopje të vetme;
4. Shpenzime gjyqësore nuk ka;
5. Ky urdhër është i ekzekutueshëm drejtpërdrejt nga organet e palës kërkuese, Dega e Doganës Shkodër ose nga Shërbimi Përmbarimor Gjyqësor Shtetëror ose Privat;
6. Kundër këtij vendimi nuk lejohet ankim;
7. Ky vendim t'i njoftohet palës kërkuese, Dega e Doganës Shkodër.

U shpall në Shkodër, në dhomë këshillimi, sot më datë 11.03.2022.

GJYQTAR

MIRJAN MUSTAJ